



LEHEN EGUNETARAKO MATERIALAK

IKASLE BERRIAREN LEHEN EGUNA

2.B. ERANSKINA

Liburuen txokoa

Ikaslea egoten den gela guztiek izan behar dituzte liburuak, eskura eta prest, edozein mementotan erabiltzeko, batzuetan zerbait jakina bilatzeko, lan egiteko, eta beste batzuetan, denbora gustura pasatzeko. Zenbait hizkuntzako liburuak eta aldizkariak eskaini behar dira, eskolako hizkuntzetan (euskara, gaztelania, ingelesa), eta ahal bada, ikasleen ama-hizkuntzan ere bai.

Liburuek sortzen duten erakargarritasuna ez da berez sortzen. Irakasleen eginkizuna oso garrantzitsua da bitartekaritza, gonbita egiteko, berak pizten baititu liburu berriarekiko interesa, grina, jakingura.

Liburuaren garrantzia azaldu behar du irakasleak: kontatu behar du liburuak zer dakarren, zertarako erabiltzen den...

Liburuak bakarrik edo beste pertsona baten laguntzaz (nagusia edo haurra) ikusi eta irakur daitezke: begiratzuz edo jolastuz, gozatuz edo landuz, ahopeka edo ahots gora irakurriz.

Liburutegiak espazio irekia izan behar du: liburuak atera eta sartzeko aukera izango dute ikasleek, gustuko liburuak etxekoekin konpartitzeko; berriak ekarriko dira, ikasleek ekarritako aldizkariak, ipuinak ere hor egon daitezke...

Hemen behean, liburu moten sailkapen bat dator. Hona hemen horren ezaugarria: ulermena erraztu egiten dute irudien bidez; beraz, oso egokiak dira hizkuntza menperatzen ez duten irakurleekin lantzeko.

LIBURU MOTA	IRADOKIZUNAK
Irudi bidezko liburuak	Irudi sinpleak dituzte, gehienetan testurik gabe edo testu laburdunak, errealitatean oinarritutakoak (animaliak, elikagaiak, jantziak...) Horien helburua objektuak ezagutu eta izendatzea da. Nagusiaren laguntza ezinbestekoa da liburu mota hau lantzeko.
Alfabetoak	Izenen lehendabiziko hizkian oinarrituz, gauzak multzoka aurkezten dituzte.
Olerkiak, abestiak	Errima, abesti, olerki herrikoien bildumak izaten dituzte.
Hiztegiak	Irudi bidezkoak. Hitzak eta irudiak gaika antolatuta egoten dira.
Ipuinak	Eguneroko errutinetan oinarritutakoak, ohitura, jaiak azaltzen dituztenak, gertakizun harrigarriak kontatzen dituztenak, ikasleek sortutakoak...
Ipuin tradizionalak	Zenbait kulturatako ipuinak.
Komikiak	
Jolasteko liburuak	Irakurlearen partehartzea eskaintzen dute, hainbat elementu mugitu, atera, irekiz gero.
Ezagutza-liburuak	Gai askotakoak izaten dira, errealitatearekin lotuak, fikziorik gabekoak: sukaldaritza, zientzia, arte ederrak, eskulanetakoak... Argazkiek eta marrazkiek garrantzi handia dute.
Aldizkariak	Mota askotako testuak eskaintzen dituzte: komikiak, azalpenezko testuak, denbora-pasak...